

„ ra , Theodosium quidem inthronizavit , porro Gaja-
„ num misit in exilium . Qui adductus Carthaginem ma-
„ gnam , & inde quasi Sardiniam directus , quid de eo
„ contigit , ignoratur „ . Falsum est itaque , non modo
quod de Gajani ordinatione dicitur facta duobus mensi-
bus post Theodosii ordinationem , sed etiam quod afferi-
tur , Gajanum a Theodosio suscepsum fuisse in Gradum
Archidiaconatus . Sic enim pergit Liberatus . *Manit au-*
tem Theodosius in Sede annum unum & menses quatuor ,
paucis ei communicantibus . Plurimi enim communicabant
ad nomen Gajani : Populi autem pugnaverunt pro Ga-
jano multis diebus : qui caxi a militibus , majorem sui
partem amiserunt : sed & militum major cecidit numerus .
Cætera . In vita Anastasi Jacobitarum Patriarchæ , fit
mentio Gajanitarum his verbis apud Renaudot pag . 151 .
Interea magnas turbas perpeccus est a Gajani scismaticis
bus , qui duos illic Episcopos ab eo ordinatos habebant .
Suos etiam Patriarchas Gajanitæ , qui & Julianistæ , ha-
buisse leguntur usque ad annum Chr . 798 . Sic enim scri-
bit Gregorius Abulpharagius Barebraus in Chronic . Syr .
(Tom . 2 . Biblioth . Orient . pag . 342 .) Anno Græcorum
millesimo centesimo nono (id est , Chr . 798 .) Gabriel Ju-
lianistarum Patriarcha Cyriacum (Syrorum Jacobitarum
Patriarcham) adiit , rogans , ut gentem suam cum Ja-
cobitis Severianis conjungeret , hac conditione , ut neque
Juliano anathema dicerent , neque Severi nomen prædicar-
ent ; & qui alibi superviveret , utrique populo in Pa-
triarcham præficeretur : Cyriacus Gabrielem ad commu-
nionem admisit : sed ne unio illa perficeretur , effecerunt
Episcopi , qui disertum anathema Juliano dici postulavere .
Julianistarum excusione in Homeritudem , Aegyptum ,
Sophenem , Arzunitidem & Armeniam , in Aethiopiam
denique , & in Nubiam , ex Joanne Asia Episcopo , & ex
Abulpharagio narravi Tom . 2 . Biblioth . Orient . pag . 87 .
326 . & 329 . Nil mirum igitur , eandem hæresim tem-
poribus S . Sophronii anno 634 . adhuc in Aegypto a Me-
za Alexandrino propugnatam fuisse .